

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA**  
Privremena komisija za izbor i imenovanja  
Broj: 02/6-02-202/15  
Sarajevo, 4. 2. 2015. godine

**DOMU NARODA  
PARLAMENTA FEDERACIJE  
BOSNE I HERCEGOVINE**

Privremena komisija izbor i imenovanja Doma naroda Parlamenta Federacije Bosne i Hercegovine održala je 2. sjednicu i tom prilikom razmatrala:

**Utvrđivanje zajedničke liste tri kandidata za izbor predsjednika i potpredsjednika Federacije Bosne i Hercegovine iz reda bošnjačkog, hrvatskog i srpskog naroda**

Na osnovu člana 51., a u vezi s članom 60. Poslovnika o radu Doma naroda Parlamenta Federacije Bosne i Hercegovine, Privremena komisija za izbor i imenovanja podnosi Domu naroda sljedeći

**IZVJEŠTAJ**

Članom IV.B.1.2. Ustava Federacije Bosne i Hercegovine, koji je izmjenjen Amandmanom XLII, i članom 121. Poslovnika o radu Doma naroda Parlamenta Federacije Bosne i Hercegovine, najmanje trećina delegata iz klubova bošnjačkih, hrvatskih ili srpskih delegata u Domu naroda može kandidirati predsjednika i dva potpredsjednika Federacije Bosne i Hercegovine.

Izbor za predsjednika i dva potpredsjednika Federacije Bosne i Hercegovine zahtijeva prihvatanje zajedničke liste tri kandidata za izbor predsjednika i potpredsjednika Federacije BiH.

U skladu sa naprijed navedenim, Privremena komisija za izbor i imenovanja zaprimila je potrebnu dokumentaciju, te konstatovala sljedeće:

Sedamnaest delegata iz Kluba delegata hrvatskog naroda predložilo je Marinka Čavaru za predsjednika Federacije Bosne i Hercegovine, dvanaest delegata iz Kluba delegata bošnjačkog naroda predložilo je Meliku Mahmutbegović za potpredsjednicu Federacije Bosne i Hercegovine, pet delegata Kluba delegata srpskoga naroda predložilo je Milana Dunovića za potpredsjednika Federacije Bosne i Hercegovine.

Privremena komisija za izbor i imenovanja ocijenila je kako su ispunjeni uslovi da se predložena zajednička lista tri kandidata za izbor predsjednika i potpredsjednika Federacije Bosne i Hercegovine iz reda bošnjačkog, hrvatskog i srpskog naroda, zajedno sa spiskovima i potpisima delegata klubova bošnjačkih, hrvatskih i srpskih delegata koji su podržali predložene kandidate, obrascima za prijavu kandidata za predsjednika i potpredsjednike Federacije BiH i izjavama o prihvatanju kandidature za predsjednika i potpredsjednike Federacije BiH dostavi Centralnoj izbornoj komisiji na dalje postupanje i ovjeru.

Dom naroda Parlamenta Federacije Bosne i Hercegovine zaprimio je od Centralne izborne komisije BiH Odluku o ovjeri kandidatske liste, broj: 06-1-07-3-100/15 od 4. 2. 2015. godine, kojom smo obaviješteni da je naprijed pomenuta kandidatska lista za predsjednika i dva potpredsjednika Federacije Bosne i Hercegovine ovjerena. Privremena komisija za izbor i imenovanja je Odluku o ovjeri kandidatske liste dostavila predsjednicima klubova naroda u Domu naroda, kao i Predstavničkom domu Parlamenta Federacije Bosne i Hercegovine na izjašnjenje. Na Odluku o ovjeri kandidatske liste Centralne izborne komisije BiH nije bilo žalbe.

Dom naroda Parlamenta Federacije Bosne i Hercegovine obaviješten je da je Predstavnički dom Parlamenta Federacije Bosne i Hercegovine prihvatio listu za izbor predsjednika i dva potpredsjednika Federacije Bosne i Hercegovine u sastavu:

1. Čavara Marinko – kandidat za predsjednika FBiH,
2. Mahmutbegović Melika – kandidatkinja za potpredsjednicu FBiH, i
3. Dunović Milan – kandidat za potpredsjednika FBiH.

Privremena komisija za izbor i imenovanja razmatrala je zajedničku listu i konstatovala da ne postoje smetnje za izbor Čavara Marinka za predsjednika, a Mahmutbegović Melike i Dunović Milana za potpredsjednike Federacije Bosne i Hercegovine, te predlaže Domu naroda Parlamenta Federacije Bosne i Hercegovine da istu prihvati.

**IZVJESTILAC PRIVREMENE  
KOMISIJE ZA IZBOR I IMENOVANJA**

Tomislav Martinović